



Isumaginninnermut Naalakkersuisoq
Maliina Abelsen
/Aanneqartussaq

Siunnersuummut UPA 2010/118-imut malitseqartitsilluni apeqqutit.

UPA 2010/118-mut atatillugu siunnersuummut ilaatigut illerfinnik angallassarnermut tunngassuteqartut makku akineqarnissaat qulakkeeqqullugu Ilaqutariinnermut Ataatsimiititaliaq sinnerlugu qinnuigissavakkitt:

- 1) Napparsimasoq napparsimmavimmiinnermini toqukkut qimaguppa toqusup illerfiata illoqarfigisaanut assartoqarnissaanut Peqqinnissaqarfik qanoq pisussaaffeqarpa imaluunniit periutsit qanoq ittut Peqqinnissaqarfimmit malinneqarpat? Matumani eqqarsaatigineqartoq tassaavoq napparsimasoq illoqarfigisami avataaniittumut Kalaallit Nunaata avataanut misissortikkiartorlugu suliaritikkiartorluguluunniit Peqqinnissaqarfimmit aallartinneqarsimasoq toqukkut qimaguppat.
- 2) Inatsisit, isumaqatigiissutit periutsilluunniit allat innuttaasut Kalaallit Nunaanni angerlarsimaffeqartut toqukkut qimagunneranni illerfiisa angallanneqarnerannut aningaasartuutinik Kalaallit Nunaanni oqartussaasut matussusiinissaannik aalajangersaaffiusut nassuiaatigineqarnissaat qinnutigineqarpoq. Tamatumani assersuutigalugu pineqartut tassaasinnaapput ilinniagaqartut illoqarfik angerlarsimaffigisartik qimallugu Kalaallit Nunaanni avataaniluunniit illoqarfimmi allamik ilinniarnissamut oqartussaasunit aningaasaliiffigineqartut toqukkullu qimaguttut. Aammattaaq pineqartoq tassaasinnaavoq najukkami qinigaq kommunerisami illoqarfittut ikinngutaani pisortatigoortumik tikeraarnermini toqukkut qimaguttoq.

Akissutivit kingusinnerpaamik 5. maj 2010-mi tiguneqarnissaa Ilaqutariinnermut Ataatsimiititaliamit naatsorsuutigineqarpoq. Akissut Inatsisartut Allattoqarfiannut, Box 1060-imut nassiunneqassaaq. Akissut qarasaasiakkut uunga nassiunneqassaaq jhh@inatsisartut.gl

Siunnersuutip suliarineqarnera UPA 2010-mi naammassisinnaajumallugu akissuteqarnissamut taama sivikitsigisumik piffissaliinissaq pisariaqarpoq.

Ilaqutariinnermut Ataatsimiititaliaq sinnerlugu

Debora Kleist

Dato: 29.april 2010
Sags.nr. 01.38.02.05-
00071

Inatsisartut Allattoqarfiat
Bureau for Inatsisartut
Postboks 1060
3900 Nuuk
Oq/tel +299 34 50 00
Fax +299 32 46 06
inatsisartut@inatsisartut.gl
www.inatsisartut.gl

Siulittaasoq